

سنه لکی در سعادت ایچون مجیده  
یکرمی غروش حسابله التمش  
غروشدر

طشره ایچون پوسته اجرئی اوله رق  
اون بش غروش ضم اولنور

نسخه سی ۴۰ پاره در

# قرارداد محاکمه

آبونه اولمق ایستینلر دائره عدلیه ده  
اداره مخصوصه سنه مراجعت  
ایتملیدر

اعلاناتک بهرنندن بر مجیده اخذ  
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

## توضیحات

سینوب سنجانی بدایت محکمه سی مدعی عمومی  
معاونلکی قره حصار شرقی سنجانی بدایت محکمه سی  
مدعی عمومی معاونی رفعتلو نشأت بکه  
قره حصار شرقی سنجانی بدایت محکمه سی مدعی  
عمومی معاونلکی کنغری سنجانی بدایت محکمه سی  
مدعی عمومی معاون اسبقی محی الدین افندی به  
کنغری سنجانی بدایت محکمه سی مدعی عمومی  
معاونلکی موش سنجانی بدایت محکمه سی مدعی عمومی  
معاون سابق فتولوسعدالدین افندی به تفویض بیورلمش  
ومومی الهمدن نشأت بکه سعدالدین افندینک اولجه  
امر تحلیف لری اجرا اولندی کی محی الدین افندینکده  
اجرای تحلیفی محله تبلیغ ایدلمشدر .

## تبلیغات

مستطوق ویا محکمه جانبدن اعطا اولنان جلب  
مذکره سیله وقوعبولان دعوته اجابت ایتما ملرندن  
دولایی حکم اولنان جزای نقدی ایفاده تمرد و امتناعی  
ویا قدرتسزلکی ثابت اولان شهود حقلرنده کی حکمک  
نه صورتله اجرا اولنه جفی استفسارینه دائر وان استیناف  
محکمه سی مدعی عمومیلکندن وقوعبولان اشعاره ،  
دوائر جزائییه جه وقوعبولان دعوته بلاعذر اجابت  
ایتمیان شهود حقلرنده حکم اولنان جزای نقدی خزینة  
دولته عائد حقوق امیریه حمله سندن بولمغله مذکور  
جزای نقدینک اعلامات جزائییه ایله محکوم مصارف  
محاکمه و جزای تقدیلرک صورت تحصیانه دائر اولان  
فقره مذیله موجبنه اجرا قانوننه توفیقاً تحصیل  
لازم کله جکی جوابی انجمن عدلیه افاده سیله ویرلمشدر .

قیر شهری سنجانی بدایت محکمه سی مقاولات  
محرری کال افندینک محلی دیون عمومیه اداره سی  
طرفندن ملتزمین علیننه ویریلان حجزنامه لری معامله  
تبلیغیه و حجزیه سنی تعویق ایتسندن دولایی مومی ایله

ایله آنک حقلرنده کی شکایتک موجب اولدینی معامله نک  
ایفاسنده تسامح ایدن محکمه مذکورہ رئیس زهدی  
افندی حقلرنده اداره مذکورہ جانبدن ویریلان  
مخطرہ لری دخی محرر مومی الیهک تصدیق و تبلیغندن  
امتناع ایلدیکی آکلاشلمش اولدیغندن بحثله مذکور  
مخطرہ لری نه صورتله تصدیق و تبلیغی لازم کله جکی حقلرنده  
انقره ولایتی استیناف محکمه سی مدعی عمومیلکندن  
وقوعبولان اشعاره ، حکام علیننده اقامه اولنه حق  
اشتکا دعواسندن اول احقاق حقه دعوتی متضمن  
قانوناً تبلیغی لازم کلان مخطرہ لری حکامه مخصوص  
اولوب مقاولات محرر لرینک ایفای وظیفه جه تکاسلری  
وقوعنده رؤسایه مراجعتله بٹ شکایت اولنسی اقتضا  
ایده حکمه کوره محرر مومی الیه مخطرہ تبلیغنه لزوم  
اولیوب رئیس محکمه علیننده کی شکایت اساس اولمق  
اوزره رئیس مومی الیه تبلیغ ایدیلرک مخطرہ لری  
مقاولات محررینک بالتصدیق علی الاصول تبلیغ ایتسی  
اقتضا ایده جکی جوابی انجمن عدلیه افاده سیله ویرلمشدر .

## محاکمات و مقررات

سرقت ماده سندن دولایی مظنون اولان علینک  
آلتی ماه مدته حبسنه دائر بدایت ویریلان حکمک  
تصدیقی متضمن قونیه ولایتی مرکز بدایت محکمه سی جزا  
دائرة سندن استینافاً ویریلان اعلامک تمیزی حقلرنده  
اعطا و ولایت مذکورہ استیناف مدعی عمومیلکندن  
اسرا قلنان عرفحال ایلر اوراق متفرعه سی لدی التدقیق  
مستدعینک شرائط تمیزییه حمله سندن اولان بش لیرا  
جزای نقدی یی ایفا ویا خود بی قدرت اولدیغنه دائر  
مرجع رسمیسندن مصدق شهادتنامه یی استحصال  
واعطا ایتدیکی کی حال موقوفیتده اولدیغنه ویا خود  
مکفلاً سیبیلی اخلا قلندیغنه دائر اقتضا ایدن ورقه  
رسمیه یی دخی ویرمدیکی محکمه مذکورہ باش کاتبک ظهر  
عرفحالده کی درکنارندن آکلاشلمش وشو حالده اصول  
محاکمات جزائییه قانوننک اوچوز یکریمی بشنجی ، اوچوز  
یکرمی آلتنجی و اوچوز یکریمی یدنجی ماده لری

احکامک اجراسر قالدینی تحقق ایتمش اولمسنه بناء  
استدعای مذکورک ردینه محکمه تمیز استدعا دائره سنجه  
قرار ویرلمشدر .

درامه سنجانک درویش بابا محله سی اهالیسندن  
ابراهیم اوغلی حسینک کیفیت قتلندن دولایی جنایتله  
اتهام اولنان قصبة مزبورہ لی احمد بن عزیزک اون بش سنه  
مدته کورک قونلسنه دائر لواء مذکور بدایت محکمه سی  
جزا دائره سندن اعطا قلنان ایکی یوز اوتوز یدی  
نومرولی اعلام محکمه تمیز جزا دائره سنجه تصدیق  
اولنمشدر .

نودمول قریه سندن استوبان طاله نک زوجه سی  
دوستوایله اوکی قیزی اسوطه نک قتل اولنلرندن  
دولایی جنایتله اتهام اولنان قریة مذکورہ لی طاله  
اوغلی طرایانک اون بش سنه مدته کورک قونلسنه  
دائر مناستر ولایتی استیناف محکمه سی جزا دائره سندن  
ویریلان یوزاون یدی نومرولی اعلام محکمه تمیز جزا  
دائرة سنجه تصدیق اولنمشدر .

بایبورد قضا سنک کله وورک قریه سندن مغدیس  
سہانک قپوسی کلیدی آلت مخصوصه ایلر آچهرق  
اغنامی سرقت و بدروس اوغلی نجاحتی ده قتلہ جرأت  
ایتملرندن دولایی جنایتله اتهام ایدیلان قریة مذکورہ لی  
پارسیخ ولد زادورک اون بش و برادری کرکورک  
اوچ سنه مدته کورک قونلرینه دائر ارضروم ولایتی  
استیناف محکمه سی جزا دائره سندن اعطا قلنان یوز  
اوتوز ایکی نومرولی اعلام محکمه تمیز جزا دائره سنجه  
تصدیق ایدلمشدر .

ارضروم ولایتک امین قری محله سی اهالیسندن  
آترانیک ولد بدروسک دیوازندن آشورق خانه سنه  
بالدخول اشیاسنی اخذ و سرقت ایتلملرندن دولایی  
جنایتله اتهام اولنان محله مذکورہ لی تیمورچی  
چراغی وارطان و آرداش ولد وارطان و باقرچی  
هراند ولد طونه قاندن وارطان ایلر آرداشک اوچرسنه



مدتله کورکه قوللرینه وهراندک دخی مراهق بولنسندن دولای حقدنه قرقچی ماده قانونیه موجبنه معامله اجرا ایدلنه دائر ولایت مذکوره استیناف محکمه سی جزا دائره سندن ویریلان یکریمی نومرولی اعلام محکمه تمیز جزا دائره سنجه تصدیق ایدلمشدر .

اوج بیکار قریله جاش اوغلی طودورینک کیت قتلندن دولای جنایتله اتهام اولنان وحین ایقاع جرمده غیربالغ اولدینی تحق ایدن قریه مذکورده لفت ولد استاورینک قرقچی ماده قانونیه توفیقاً بش سنه مدتله کورکه قولنسنه دائر جانبیک سنجای بدایت محکمه سی جزا دائره سندن اعطا قلنان قرق سکر نومرولی اعلام محکمه تمیز جزا دائره سنجه تصدیق اولنمشدر .

لوروس قضاسته تابع ناشاری قریه سی اهالیسندن اندون وبرداری ناقونک ماندیره لرندن جبر وشدت استعمالیه کچی اخذ و سرت ایتسندن دولای جنایتله اتهام اولنان پلازاتیس قریله ناقو ولد یورکی زوئینک اون بش سنه مدتله کورکه قولنسنه دائر پروزه سنجای بدایت محکمه سی جزا دائره سندن ویریلان سسکان نومرولی اعلام محکمه تمیز جزا دائره سنجه تصدیق ایدلمشدر .

ژاندارمه محمدی جرح و سلیم چاوشی قتل ایلدیک ادا قلنسنندن دولای جنایتله اتهام ایدیلان جالیده قهوه جلیک ایدن کره سونلی اسماعیل بن حسنک اون بش سنه مدتله کورکه قولنسنه دائر درسعادت جنایت محکمه سندن ویریلان یوزاللی بر نومرولی اعلام محکمه تمیز جزا دائره سنجه تصدیق اولنمشدر .

استروجمچی اوستویچه ولد طایحه نک کیفیت قتلندن دولای جنایتله اتهام اولنان پتریمچی قونجه نک جوانی یوان ولد کنانک اون بش سنه مدتله کورکه قولنسنه دائر سلاتیک ولایتی استیناف محکمه سی جزا دائره سندن ویریلان درتیز بش نومرولی اعلام محکمه تمیز جزا دائره سنجه تصدیق ایدلمشدر .

دیمتوقلی استاوری ولد دیمتروک قتل اولنسنندن دولای جنایتله اتهام اولنان قصه مذکورده آپوستول ولد اوستویونک اون بش واندون ولد یاولینک اوج سنه مدتله کورکه قوللرینه دائر ادرنه ولایتی استیناف محکمه سی جزا دائره سندن ایکنجی دفعه اوله رق ویریلان اون طقوز نومرولی اعلام محکمه تمیز جزا دائره سنجه تصدیق ایدلمشدر .

کوبرلینک قوجیار قریه سی اهالیسندن خورشید بن محمودک کوزنی جرح و رؤیتسندن محروم ایلدیک ادعاسندن دولای جنایتله اتهام ایدیلان قریه مذکوره اهالیسندن جوان محمد بن مصطفانک نابالغ بولنسنندن ناشی قرقچی ماده قانونیه توفیقاً مستحق اولدینی اوج سنه کورک جزاسنک ربی اولان طقوزماه مدتله حبسنه دائر قوصوه ولایتی استیناف محکمه سی جزا دائره سندن اعطا قلنان یور نومرولی اعلام محکمه تمیز جزا دائره سنجه تصدیق ایدلمشدر .

بره پولک اورده شاج قریه سی اهالیسندن صامه قونک آغیان صورت جریده باصه رق حیواناتی اخذ و غصب ایتلرندن دولای جنایتله اتهام ایدیلان قولاشین قضاسنک غراب قریه سندن موشو وکوسونک اوجر سنه مدتله کورکه قوللرینه دائر طاشلیجه سنجای بدایت محکمه سی جزا دائره سندن ویریلان الی نومرولی اعلام محکمه تمیز جزا دائره سنجه تصدیق ایدلمشدر .

شیاق قضاسی اهالیسندن محمود صفر رشقه نک قتلندن دولای جنایتله متهم اولان صوندی شنارنده قریله زبیر بن مصطفانک اون بش سنه مدتله کورکه قولنسنه دائر دراج سنجای بدایت محکمه سی جزا دائره سندن ویریلان اونوز طقوز نومرولی اعلام محکمه تمیز جزا دائره سنجه تصدیق ایدلمشدر .

۵۳ نومرولی نسخه ده مندرج درسعادت جنایت محکمه سی اعلامنک مابعدی :

تشرین اولک اونوزنجی صالی کونی متهم نیقولا علی الاصول توقیفخانه دن کتوردیه رک وکیلی استپان افندی ومدعی عمومی معاونلرندن ادمه یک موقع مخصوصلرنده حاضر اولدیلری حالد محاکمه صالونه جقیه رق مدعی شخصیه جلینامه تبایغ اولندینی حالد ورود ایتدیک آکلاشلغله معاون مومی الیهک طلی وجهله مدعی شخصیه نک کلامی حقوق عمومی دعواسنک تأخیر رؤیتی موجب احوال قانونیه دن اولدیغندن مزبورنک غیابنده دوام محاکمه توفیقاً قرار ویریه رک طرفیه آکلادلقدن و هیئته قضا تبدیل وقوعنه مبنی ضبط سابق اوقوتدیریه رق طرفیندن مندرجاتی تصدیق اولدقدن صکره محاکمه سابقه ده احضاراً جلنه قرار ویرلش اولان شیه قضاسنک یکی کوی آشای محله سندن و دولکر اصنافدن یکریمی بدی باشنده فیاردی اوغلی ایستایانوس ولد یورکینک صنعتی ایجابندن اوله رق سائر قصه و قریه لره کیده رک کشت وکذار ایله دولکرلک ایتمکده اولدیغندن و تحری

اولنش ایسه ده بولنه مدینی جوانی بیلدرلیدیکندن مطالعه سی صوریلان معاون مومی الیهک طلیله شاهد مرقومک بولندینی محکمک مجهولیتی حسیله جلی قابل اوله مبه جنی ملاسه سیله افاده مضبوطه سنک قرآننه متفقاً قرار ویریه رک طرفیه بعد الافهام اوقوتدیر - لدقه مآلندن وقعه کونی ساعت سکر راده لرنده یکی کوی یوقاری محله سنک خرمن نام محله دن قیزلر حورا اوینامقده لر ایکن نیقولا دخی کلوب قیصه جق فیولنک اوغلی دیمتروک قاربوز اشترا و ییاقله صویه رق قیزلرک حورا اوینادقلری محله کلسیه قاتریه نک کچه جکی برده توقیف ایش ایدوکنی وقاتریه نک اوکندن کچرکن مرقومک مزبوره به هجوم ایدرک اوردیغندن حورابه اختتام ویردیکنی ومنزوره قاتریه اللری کونکسه قویش اولدینی حالد خانلری نک اوکته قدر کیده رک قیوسی اشیکنه دوشدیکنی کوردیکنی واوراده اوطورمقده بولان مقتوله قاتریه نک والده سیله سائر قادینار ( نیقولا قاتریه نی اوردی ) دیه رک فریاد ایتلریه مبنی کندوسی ده کیدوب باقدیغنده قان کور- دیکنی و مرقوم نیقولا نک قاتریه یه ایله اوردینی زمان الدنه ییاق اولوب اولدیغنک فرقدنه اوله مدینی خصوصلری اخبار ایلدیک مستبان اولدی .

قرائت اولنان افاده یه قارشو نه دیه جکی متهم نیقولا دن سؤال اولدقدنه شاهد مرقوم ایله منازعه ایش اولدینی جهته شهادتی قبول ایدمیه جکی فقط منازعه نک اثباتندن عاجز بولندینی سویلدی . عند السؤال طرفینک توسیع تحقیقاته متعلق بشقه طبلری اولدینی آکلاشلغله تحقیقاتک بوندن عبارت ایدوکی بیان اولدقدنه معاون مومی الیه متهم لاز آپوستول اوغلی نیقولا نک نشان اوله رق قاتریه یه ویرمش اولدینی ایشانک رد واعاده سنه مبنی حاصل ایلدیک اغبرار نتیجه سی اوله رق مزبورنی بالتصور جرح و قتل ایلدیک متهم مرقومک وقوعه بولان قراری وشاهد لرک علی الدرجات واقع اولان اخباراتی ومعاونه راپوری مندرجاتیه ثابت اولدیغندن قاتل متعمدا و لوق اوزره مجرمیته قرار ویرلشی طلب ایلدی .

مدافعه وکیلی استپان افندی دخی اجرا قلنان تحقیقاته مؤکلی نیقولا نک قاتل اولدینی حقدنه حکمه مدار اوله جق اسباب ثبوتیه کافی موجود اولدینی وجونکه استماع اولنان ایکی شاهدندن بری حضور محکمه ده استماع اولدینی جهته افاده سنک مدار حکم عد ایدله مبه جکی و دیگر شاهد دخی فعل قتلک مؤکلندن صدوری خبر ویرمیکنی ومؤکلنک متهم موقعنده بولنشی حقدنه مقتوله دینلان قاتریه نک والده سنک اسناد جرم ایتسندن بشقه دلیل بولندینی وفعل قتل مذکورک غلبه نک آده سنده وقوی حسیله

بشقه برطرفدن دخی ایقاع اولنش اوله جنی ملاحظه سنی دافع اسباب کوردلیدیکنی ومؤکلنک حضور مستطقدنه اقراری ایسه مدار حکم اسباب قانونیه دن عدی لازم کلیه جکی وبالغرض والتقدیر مؤکلی فعل مذکورک فاعل اولدیغه قناعت کتوریه جک اولور ایسه نشانک رد واعاده سیله فعل قتلک ایقاعی بپنده کذر ایدن مدتک جزئی بولندیقنک و بناء علیه فعل قتلی تصور ونصیم ایدرک اسباب اجراییه سی تهیه ایدم جک قدر بروقت مدیدمرور ایتدیکنک آکلاشلدینی بیایله مؤکلنک برائنه وبوجهت قابل اولدینی صورته باتهور قتل فعلنک فاعلی اولوق اوزره مجرمیته قرار اعطاسنی استدعا ومتهم دخی بشقه بریه جکی اولدیغنی انبا ایتلریله محاکمه نک ختامی طرفیه بالا فهم هیئت محکمه مذاکره اوطه سنه چکلدی .

( مابعدی کله جک نسخه یه )

بیک اوجیوز اون بدی سنه سی شهرتشرین اولی ظرفنده معامله جبر و شدت اجراییه عثمانک اموال وقودی سرت و مرقومی جرحه جرأت ایلدیک ادعا - سیله متهم اولان قره مصطفانک اجرا قلنان محاکمه علیه - سی نتیجه سنده مرقومک عثمان اوق میداننده بر دره نک ایچنه کتوروب معامله جبر و شدت اجرا ایدرک طاش ایله جرح ویر عدد قره میچ وکسوری مجیدی اوله رق جمعا یوز یکریمی بر غروشتی سرت و غصب ایلدیک شاهد لرک شهاداتی وکندوسنک حین دردسندنه قوشاغنده و محل وقعه ده بولنان بر تک یتیمه دم بولنشی ومسروق ایچدن بر عدد قریچک اوزرنده ظهور ایتسی وراپور مندرجاتی ودلائل سائر ایله ثابت اولدیغندن مرقومک اول وجهله مجرمیته وقانون جزانک ایکی یوز یکریمی رنجی ماده سنه توفیقاً کیفیت جرح سبب شدت طویله رق درت سنه مدتله کورکه قولنسنه ومسروق ایچنه نک مدعی شخصی به اعاده واعطاسنه ومصارف جراحیه اولان یوز غروشتک دخی مرقومدن بالتحصیل مدعی شخصی مرقومه ویرلسنه محکمه جنایتیه قرار ویرلشدر .

فرانسه دولتی تبعه سندن اولوب یک اوغلنده غلاواتی زقاغنده اقامت ایدن ماکنه جی ادمونک عصمت افندی ایله خیراللهی ضرب ایلدیک تحقیق ایلدیکندن مرقومدن ایکی لیرا التوب مضروبله اعطاسنه میخالی ضرب ایدن الماطانی جاده سنده ساکن آرشاق ولد سیمونک برهفته جهینه

خلاف تنیه اوزرنده سلاح طاشیدینی اصولاً ثابت اولان غلطه ده مقیم حسین بن کاظمندن بش بشلک جزای نقدی اخذینه قسطنطنیو پولیس غزته سی صاحب امتیازی دیمتری نیقولایسیدی افندی سنک غلطه ده مقیم قومیسوینجی وسیغورطه جی نیقولا کی قالدووقوره علینده افعال مخصوصه بیایله دم وقدی حاوی اندریدایس امضاسیله ویریلان ورقه نی طبع ونشر ایتکده اولدینی غزته به درج ایتدیکنی ثابت اولدیغندن مومی الیه نیقولایسیدی افندی ایله آذربایسک هرایکسندن اوز لیرا جزای نقدی آلمسنه

موخانه فرونلرنده طبله کارلق ایدن یوانک طناشی ضرب ایلدیکنی تحق ایتدیکندن برلیرا التهرق مضروبه اعطاسنه

ایتالیا دولتی تبعه سندن و یخمینانک مجروحیته سبب ویرمش اولان غلطه ده قسچی زقاغنده ساکن تئودوسک برآی حبسنه واجرت جراحیه اولوق اوزره الی یوزغروشتک مرقومدن بالتحصیل مجروحه اعطاسنه قره اغاجده طوغله خرمن محله ده ساکن عثمانک حاجی ابراهیمی ضرب و جرح ایلدیکنی تحق ایتدیکندن مرقومدن بریچق لیرا التوب مضروبه اعطاسنه شیشلیده ساکن مکتب طبله سندن فردینانک نسیمی ضرب ایلدیکنی اصولاً ثابت اولدیغندن برهفته حبسنه

ممالک محروسه شاهانه به نظام ادخولی ممنوع اولان کهرچله ایله فشنگ قووالری ادخال ایلدیکنی تحق ایدن عارف افندی دن باروت نظامنامه سی احکامنه توفیقاً مذکور فشنگلرک قیمتی بولنان ایکی یوزاللی غروشتک برملنک ضعیله بالغ اولدینی بشیوز غروشتک جزای نقدی اوله رق تحصیلنه و کهرچله ایله قووالرک ده ضبط ومصادره اوله رق طویخانه عامر به تسلیمه

بشکطاشده ساکن یورغانچی فائق افندی سنک خراجچی زقاغنده مقیم بره خانه جی قسطنطنیو نیقولا کی ضرب و جرح ایلدیکنی ثابت اولدیغندن یکریمی کون حبسنه قاسم باشاده صوابی چراغی طودورینک غلطه ده بادم زقاغنده ساکنه صوفیه تشهر سلاح ایلدیکنی تحق ایتدیکندن برهفته حبسنه سرسری طاقسندن اولدینی ضبط ورقه سی مندرجاتیه تحق ایدن یورکینک سرسری نظامنامه سی احکامنه توفیقاً برماه حبسنه و ختام مدتده ضابطه جه تسبب اوله جق محله طرد و تبعیدینه اندر یایی ضرب ایدن ملازم جمال افندی نک اون کون حبسنه بانغالی جاده سنده مقیم فرانسه دولتی تبعه سندن

موسیو ژورژک غلطه لری ترزی استفاقی ضرب ایلدیکنی ثابت اولدیغندن مومی الیه دن اوج لیرا التهرق مضروب به اعطاسنه

تقسیمده مقیم سبتجی جمیل بن احمدک محل مذ- کورده ساکنه نجیبیه ضرب ایلدیکنی اقراریه ثابت اولدیغندن اون کون حبسنه

خاصکویده آرپه جیلرده تیمور قبو جاده سنده خاخم باقونک خانه سنده ساکن آرون ولد اورامک شهادتیه مسز اجزاجلیق وطابت ایلدیکنی آکلاشلدیکندن بدلیه نظامنامه سنک اون ایکنجی ماده سنه توفیقاً مرقومدن بدی آلتون جزای نقدی اخذینه

طاطاواوده لازاری زقاغنده ساکن قوندیره جی طاشو ولد یورکینک صندالچی آپوستولک اوغلی قوندیره جی پناویطی جرح ایلدیکنی ثابت اولدیغندن برآی حبسنه

طاطاواوده دیوارچی محله سنده مقیم قوندیره جی میخالک طاوقلری سرت ایدن قاسم باشاده مقیم جمال محمد وزوجمسی کلعدار وجانباز محمدک زوجمسی فاطمه وقوشباز قنبرک زوجمسی فلاح و جمال علینک اوجر ماه حبسارینه

قاسم پاشا جاده سنده قوندیره جلیق ایدن یورکی ولد یورکینک بیرخانه جی واسیل ایله آندونه تشهر سلاح ایلدیکنی ثابت اولدیغندن اون کون حبسنه

میخانه جی تشوفیلوس ولد یاقونک پولیس حمزه عارف افندی ضرب ایلدیکنی ثابت اولدیغندن اون کون حبسنه

قرغانچی محمدی ضرب ایدن حسینک ایکی آی حبسنه

طویخانه ده قره باش محله سنده ساکن آرابه جی مصطفی بن احمدک غلطه ده طوغری یوله میکده جی یاولی به تشهر سلاح ایلدیکنی ثابت اولدیغندن برهفته حبسنه

ادرنه قیوسنده حاجی محی الدین محله سنده ساکن طورسون بن شریفک غلطه ده شرتخانه زقاغنده ساکنه صانه نک خانه سی جاملری قیردینی آکلاشلدیکندن اوج کون حبسیله آلتی بشلک جزای نقدی آلمسنه غلطه ده خرسوس کلیساسی زقاغنده ساکن طومبه جی میچونک قسچی زقاغنده ساکنه اولومبایی ضرب ایتدیکنی تحق ایتدیکندن اون کون حبسنه یکدیگریه محل ناموس سوز سویلیان قارناوال زقاغنده ساکن شرابیجی واسیل ایله ماریدن بر لیرا جزای نقدی آلمسنه

طویخانه ده صفر کتخدا محله سنده ساکنه جیله خانمی ضرب ایدن نافع خانم دن ایکی آلتون التوب مضروب به اعطاسنه



یانینک میخال نام شخصک مجروحیتنه سیبیت و یردیک  
معاینه راپوریه ثابت اولدیغندن برهفته حبسنه  
کتبه دن رفیق افندینک سمسار یورکی قاریانوی  
ضرب و جرح ایلدیکی تحقیق ایتدیکندن مومی الپدن  
بر آلتون آلهرق مضروبه اعطاسنه  
پانغالتیده مقیم خاچیک ولد قره تی ضرب ایدن  
ترزی آوادیس ولد اوخانسدن بر آلتون آلهرق  
مضروبه اعطاسنه

بیوک اطه ده امنیت اجزاخانه سی صاحبی طناشاکی  
افندی حقنده ذمی حاوی مقالات نشر ایلدکلی ثابت  
اولان قسطنطنیو پولیس غزته سی مدیر مسئولی دیمتر کی  
نیقولاییدی و تاخیدرموس غزته سی مدیر مسئولی  
یورکی ویتالیس افندیلرک مطبوعات نظامنامه سی احکامه  
توفیقاً اون کون حبسلرینه

غلطه ده آیایانی زقاغنده ساکن میخالک پاره سی  
طولاندرینی اقراریه ثابت اولان آندون ولد آنتوانک  
اوج ماه حبسیله برابر کندوسندن بر آلتون جزای  
نقدی آلمسنه

صاری یارده مقیم بالقجی عثمانک خیری افندی یی  
جرح و مومی الیه خیری افندینک دخی مرقوم عثمانی  
ضرب ایلدیکی ثابت اولدیغندن بونلردن عثمانک اون کون  
وخیری افندینک بش کون حبسلرینه

دارالعجزه دن اشیا سرقت ایدن خدمه دن رفعت  
ایله خورشیدک سکزر و محمدک درت آی حبسلرینه  
فندقلیده دره ایچنده ساکن یورغانچی سعیدک  
بکجی بکری ضرب ایلدیکی ثابت اولدیغندن برهفته  
حبسنه

جهانگیرده ساکنه مکتب معلمه سی نفیسه خانمک،  
طالباتندن هاجر خانمی ضرب ایلدیکی ثابت اولدیغندن  
یکرمی کون حبسنه

فری کوینده تیمور فابریقه سنده ساکن تیمورجی  
یورکی ایله صندوقی علقونک یکدیگرینی ضرب  
ایلدکلی ثابت اولدیغندن بر هفته حبسلرینه

خره لامبوی ضرب ایدن قوم قیوده نشانجه ده  
فرون زقاغنده ساکن عمر طورسون افندیدن بر  
آلتون آلهرق مضروبه اعطاسنه درسعادت و بک اوغلی  
بدایت محکمه لری جزا دائره لرینجه قرار ویرلمشدر.

## مُجَازِمَاتُ لِنَبِیِّهِ

حاجین قضاسی نابی و بدایت محکمه سی رئیس  
سابق یحیی فهمی افندینک ساخته سند تنظیمه جرائی  
اطنه ولایتی استیناف محکمه سی مدعی عمومیلکنجه

اجرا قانان تحقیقاتی حاوی اوراق مندرجاتندن  
اکلاشلمش اولغله مومی الیهک محاکمه آلتنه آلمسنه  
مأذونیت و یریلهرک مذکور مدعی عمومیلکه تبلیغات  
لازمه اجرا و کیفیت محاکمه سندن طرف عالی مشیختپناهی به  
معلومات اعطا ایدلمشدر.

## اِیْلَانَات

ایکنجی محکمه نجرانده :

باغچه قیوسنده شیخ الاسلام خانی آلتنده بش  
نومرولی مغازه ده مقیم ساعت تبحارندن قره بت  
معقولیانک اقدیجه بک اوغلسنده جاده کیرده ۳۷۸  
نومرولی مغازه سنده ساعت تاجرلکی ایتمکده ایکن الیوم  
اقامتکاهی مجهول نیقولا کی استاوروپلو علیه یکریمی  
بش عدد عثمانی لیراسنک مع فائض و مصارف محاکمه  
تحصیلی حکمنی متضمن درسعادت ایکنجی محکمه  
تجارتندن استحصال ایلدیکی ۲۶ شباط سنه ۱۳۱۷  
و ۵۳۹ نومرولی اعلام غیابینک برقطعه صورت  
مصدقه سی محکوم علیه مرقوم نیقولا کی استاوروپلونک  
اقامتکاهی مجهول بولنق حبسیله اصول محاکمه حقوقیه  
قانوننک یوزقرق طقوزنجی ماده سنک فقره اخیره سی  
احکامنه توفیقاً تبلیغ اولنش عد اولنق اوزره محکمه  
دیوانخانه سنه تعلیق قلندینی کبی اوراق حوادث  
واسطه سیله دخی اعلان اولنور.

اعلامات شرعیه اجرا دائره سنده :

متوفی مصطفی اکاه افندینک مخدومی حسین  
عونی افندینک فاطمه خانمک کفیلی حسین افندی  
ذمتنده قسمت عسکریه محکمه سندن اعطا اولان برقطعه  
مقتضا اعلامی موجبجه آله جفی اولان مبالغ معلومه نک  
تأمین استیفاسی ضمننده محجوز و اسکدار بدایت محکمه سی  
حقوق دائره سندن و یریلان اعلام ایله فروختی محکوم  
بولنان اسکدارده خیرالدین چاوش محله سنده اشکنه جی  
زقاغنده واقع مکرر اون اوج نومرولی بر باب آخور  
ایله مکرر اون اوج نومرولی اخشاب بر باب دکانک  
اشبو تاریخ اعلانندن اعتباراً اون بش کون صکره  
فروخته تشبث اولنه جفندن طالس اولانلرک پی  
سورمک و بوندنها زیاده معلومات آلق ایستیانلرک  
مدت مذکوره ختامندن صکره اعلامات شرعیه اجرا  
دائره سنه مراجعت ایملری اعلان اولنور.

محکمه تجارت اجرا دائره سنده :

روسیه دولتی تبعه سندن قره بت رئیسینک سرکن  
ظرفیان ذمتنده محکوم به الاجنک تسویه سیچون

اسکدارده التونی زاده محله سنده طوپخانه لی اوغلی  
جاده سنده یکریمی نرمرو ایله مرقم فوقانی و تحتانی  
درت اوطه وایکی صفه و بر مطبخ و بر قیو و علی -  
التخمین ایکی بیک ذراع عتیق باغچه و مشتملات  
سائرینی حاوی اخشاب بر باب کوشک ایله استانبولده  
یک قیو جوارنده کاتب قاسم محله سنده یکی محله جاده -  
سنده اون سکز نرمرو ایله مرقم فوقانی و تحتانی  
درت اوطه وایکی صفه و بر مطبخ و بر صهرنج و بر  
مخزن و ارقه طرفده بر مقدار باغچه و مشتملات  
سائرینی حاوی اخشاب خانه ده مدیون مرقومک  
متصرف اولدینی ربع حصه شایعه لری تاریخ اعلانندن  
اعتباراً اونبش کون صکره موقع مزایده قونیه -  
جفندن اشترایه طالب اولنلرک ودها زیاده معلومات  
المق ایستیانلرک محکمه تجارت اجرا دائره سنه مراجعت  
ایملری اعلان اولنور.

ککبوزه بدایت محکمه سی اجرا دائره سنده :

درسعادته باغچه قیوسنده اسپرو پایا دوپلوس  
قومپانیه سنک ککبوزه قضاسی مال مدیر سابقی احمد  
افندی ذمتنده برقطعه اعلام موجبجه جهت کفالتندن  
طولانی محکوم اولدینی مبالغ معلومه نک تأمین استیفاسی  
ضمننده مدیون مومی الیهک اسکی حصار جوارنده  
کائن معلوم الحدود قیولی وقره طاش نام صید ماهی  
دالیانلرنده درتیوز سکسان حصه اعتباریه اون بش  
حصه سنه متصرف اولدینی قیداً تبیین ایتش اولسنه  
منی بوکره مذکور حصه اصولاً مذکور قومپانیه  
وکیل عمومیس طرفندن حیز آلتنه اذیرلش اولدیغندن  
تاریخ اعلانندن اعتباراً اون بش کون صکره فروخته  
تشبث اولنه جفی ککبوزه بدایت محکمه سی اجرا دائره -  
سندن اعلان اولنور.

محتاجه بدایت محکمه سی اجرا دائره سنده :

چتالجه لی مونداری اوغلی لامبونک اعشار  
التزامندن طولانی مدیون اولدینی بالغ معلومه نک  
تأمین استیفاسی ایچون مدیون مرقومک آکری نام  
دیگر کور دره موقعنده محجوز اونبر ویکرمی واون  
بش وطقوز واینجیری موقعنده اون طقوز والی  
وچایر قارشوسنده التی دونم یدی قطعه ترالار ایله  
طوموز دره موقعنده بر دونم برقطعه باغک تاریخ  
اعلانندن اعتباراً اون بش کون صکره مزایده به وضع  
اولنه جفندن طالب اولانلرک مراجعت ایملری لزومی  
چتالجه اجرا مأمورلغندن اعلان اولنور.

مطبوعه عثمانیه